


www.BibleForChildren.org

मत्ती ८



आ सांबु नाक्ती गालील रागी डा काना सहरमी ग्युंबे का
बाक्शो बाक्ता। मिनु येसु आ ममा यो मेकेर लशो बाक्ता।
येसु नु आ शेंसीब आन कली यो ब्रेशो बाक्तेकम।



मिनु अङ्गुर शांबु नुम्मेनु, येसु आ ममामी येसु कली “अङ्गुर
शांबु नुप्त” देंत। मिनु आ ममामी गेय पाइब आन कली
“एकोमौ मार देंमे, मौदेंशो पने” दे माइक्तीमी।




मिनु येसमी गेय पाइब आन कली “गर नेल्ल
ब्वाक्कुमी प्रिंदीन” देंत। मिनु मेकोपुकीमी गर
नेल्ल ब्वाक्कुमी प्रिंताक्म। मिनु “जचा योक्ब
आन ठेयब मर कली एको थाम्चा गेने” दे
माइक्तीमी। मिनु मेकोपुकीमी आ देंशो खोदेंशो
पाम्तेक्म।



मेको ठेयब मुरुमी मेको अडगुर शांबु दुम्शो ब्वाक्कु थाम्शा
कोवडानु, जिजी कका पा ब्रोवशो बाक्माक्त। मेकोमी मेको
अडगुर शांबु तेरे चाक्शो मतुइक्त।
गेय पाइबपुकीमी ला तुइशो
बाक्तेकम। मिनु मेको ठेयब
मुरुमी ग्युम्ले कैली ब्रेशा
“मुर नेल्लेमी डोंइती ब्रोवशो
अडगुर शांबु योक्नीम। तूशा
रांडदमे नोले मब्रोवशो
योक्नीम। गे चहिं
मुल सम्म ब्रोवशो
अडगुर शांबु खेक्शा
वोइशो बाक्ते”
दे माइक्तु।





मेको येसु आ डोंइती डा छक लाकचा डा गेय बाक्त। मेको
डोंइती पशो छक लाकचा डा गेय गालील
रागी डा काना माइशशो सहरमी
पशो बाक्त। मोपा मुर आन
कली आ सकित कोंइशो बाक्त।
मेको तशा आ शेंसीबपुकीमी
येसु कली परमप्रभु याँवे आ
तौ बाक्त,
दे थमा
सुदमे
बाक्त।



मिनु येसु पत्रुस आ खिं जाक्दीशशा
ओवमेनु, पत्रुस आ शिमी जरो पा
गोल्शो तवा बाक्त।



मिनु आ गुड थिवानु, जरोम थु प्रोना बाक्त। मिनु छुल
बोक्शा, येसु कली जचा तूचा गैवा बाक्त।



मिनु नां रिक्मेनु, मेको सहर डा मुरपुकीमी रोड पशो नु वोल्म
सुम्शो मुर नेल्ल आन कली चाक्गमे बाक्त। सहर डा मुर नेल्ल
खिं डा लाप्चो आ डोंइती
खुम्समा बाक्त।




मिनु येसुमी रोड पशो शुश मुर आन कली सापदा बाक्त। मिनु
शुश वोल् आन कली हुडशशा खेरमी बाक्त। वोल् आन कली
लोव पचा मगेवा बाक्ते। मारदे हना वोल्पुकीमी येसु कली
तुडशशो बाक्तेकम।



रोड़ पाइबपुकीमी येसु कली थिचा माल्मे बाकत। मारदे हना
येसु आ सक्तिम मेको नेल्ल आन रोड़ साबाक्मा बाकत।



मिनु ४ जना मुरपुकीमी गुइ खोइल मदुक्ब मुर का कुरशा
चाक्गमे बाक्त।




शुश मुर देल्टीके येसु आ डोंइती
चाकदीन्ने मचाप्मे बाक्त। मिनु खिं
डोइशशा, फुल्लु याकशा, ओंइतीके सेल्मे
बाक्त। मिनु गुइ खोइल मदुक्ब
कली कुरशौ ब्राख्ये एर ओंथ
डोरीम पाइशशा, ओंखां
पा येसु आ डोंइती
तोक्गमे बाक्त।




मिनु येसुमी मेको आन कली मो पशो तशा, थमा सुइय्यीमी
बाक्त, दे तुइक्ता बाक्त। मिनु
गुइ खोइली मदुक्ब कली
“आं तौ, इ पाप कयाम्साक्व”
देमाक्त। “छुल बोक्शा,
इ ब्राख्ये करशा,
इ खिं लेतो”
दे मदा बाक्त।



मिनु समुन्द्र शोकसीचा कली डोंगाम डोंइसेनु, आ शेंसीबपुकीमी
आ नोले खोदमे बाक्त। मिनु शोकसमानु,
ठेयब फश गिवार पतीके डोंगाम
ब्वाक्क ओवशा गुम्चामे बाक्त।
येसु चैहिं इप्शो बाक्माक्त।



मिनु येसुमी “मारदे हिंनी? गे थमा पा थमा सुइक्ने
मचाप्बपुकी” देंशा बोकशा, फश नु समुन्द्र आस कली हुइक्ता
बाक्त। मिनु सिकसी पाम्से बाक्त। मोदेब पशो तशा “ओहो,
एको मुर सु बाक्म माइ? फश नु समुन्द्रमी यो आ
लोव टीबाक्ताक्से” देंमुमा बाक्त।



परमप्रभु यावेमी रागी डा मुर आन कली शुश
दाक्ताक्व। मोपतीके ओ कांडचीक तौ
रागीमी सोइक्ताक्व। सु सुमी मेको
कली थमा सुइक्नीमी, मेकोपुकी
नरक मलाइनीम। तन्न गेना
हना यो परमप्रभु यावे नु
बाक्चा ताइनीम।



रोमी 3:23

मारदे हना नेल्लेमी पाप पाम्तेकम। मोपतीके परमप्रभु यावे आ
छेडछेडम जाकदीन्ने मचाप्नीम।

रोमी 6:23

मरिम्शो पशो आ गाल्च बेक्चा बाक्ब। परमप्रभु यावे आ गेशो
शिशो चहिं इं प्रभु येसु ख्रीस्त रे पा गेना हना यो ब्रोंडशा
बाक्चा बाक्ब।

हिब्रू 9:27

दोपा मुर खेयप का बेक्चा माल्नीमी नु मेको बेक्शा,
निसाफ पचा पुंडसीनीम।



एफिसी 2:8,9

मिनु गोपुकी परमप्रभु यावे आ शिशी तशा, थमा सुइक्तीके पाप रे
ब्रॉइतीनी। मेको इन पतीके ममाइ, परमप्रभु यावेमी मोशा गेशो
बाक्ब। मेको मुरुम पशो ममाइ, मोपतीके सुइ ठेयब लेन्ने
मचाप्नीम।

रोमी 10:9,10

मिनु गोपुकीमी “येसु प्रभु बाक्ब” देंशा इन थुंमी “परमप्रभु यावेमी
मेको कली बेक्शो रे सेंताक्व” दे थमा सुइक्तीनी हना, गे ब्रॉइचा
ताइनीनी। मुरुमी मेको थमा सुइश्शा, ठीके दुम्नीम। मिनु सु सुमी
“येसु आ प्रभु बाक्ब” दे मुर आन डोंइती देंबा, मेको ब्रॉइचा
ताइनीम, दे तुइक्नय।



यूहन्ना 3:16,17

परमप्रभु यावेमी रागी डा मुर आन कली शुश दाक्ताक्व। मोपतीके आ काँइचीक तौ रागीमी सोइक्ताक्व। सु सुमी मेको कली थमा सुइक्नीमी, मेकोपुकी नरक मलाइनीम। तन्न गेना हना यो परमप्रभु यावे नु बाक्चा ताइनीम। परमप्रभु यावेमी रागी डा मुर आन कली निसाफ पा नरकमी वोइक्चा, दे आ तौ मसोइक्ता। तन्न रागी डा मुर आन कली नरक रे प्रॉइचा कली सोइक्ताक्व।

1 यूहन्ना 5:11-13

मिनु मेको आ सांकछी मार बाक्ब देंशा हना, परमप्रभु यावेमी इं कली गेना हना यो ब्रॉइशा बाक्तीक गेपु। मोदेंशो ब्रॉइशा बाक्तीक आ तौमी पतीके बाक्ब। सु मेको आ तौ नु बाक्बा, मेको गेना हना यो ब्रॉइशा बाक्चा ताइब। सु चहिं परमप्रभु यावे आ तौ नु मबाक्बा, मेको गेना हना यो ब्रॉइशा बाक्चा मताइब। मिनु गेपुकी परमप्रभु यावे आ तौ आ नें कली थमा सुइक्नीनी। मोपतीके गेना हना यो ब्रॉइशा बाक्चा ताइब बाक्नीनी, दे गो इन कली तुइक्पाइक्चा कली ब्रेक्ताक्ड।



मत्ती 8-9; मर्कुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Sunuwar Bible (suz) © 2011, Wycliffe Bible
Translators, Inc. All rights reserved.

<https://www.bible.com/bible/789/GEN.1.SUSZ>

©2026 Bible for Children, Inc.

www.M1914.org

www.bibleforchildren.org

